

吳

疆方靜齋

國學萃編

第三十三期
明德溫肅著

國

學

萃

編

羞甫吳仲梅



捐助社費 芳名

以收到先後為序定章助十元以上自第一期起永遠送閱

羅逸雲先生助洋拾元

賀小舫先生助洋拾元

木刻晨風閣叢書捐助刻費 芳名

于晦若侍郎助銀貳拾兩

太侔謹誌

著涓吟社第六十一課題目

黃絹詞人值課

詩題 香篆 簾波 各作七律一首不限韻

詩鐘題 琵琶 枇杷 分詠體

限六月初十截卷外省展限半月卷交本社代收

著涓社第五十九課展期 定君可安前值四十日壽詩課收卷寥寥今特

展期半月務祈諸大同文不吝珠玉廣錫佳章以重社誼不勝感荷之至

著涓吟社啓事 啓者 敝社 已揭曉各課之彩品業經交郵寄出 諸君收

到彩件照章應將郵費如數寄還查去年至今敝社墊付郵費甚多 諸君有未寄還者祈從速賜寄並將本年社費一并寄下是禱 本社應詩史閣徵題諸君鑒 是課本社代為揭曉彩洋彩品除鄭寄伯王仁山定可安三君彩洋代收外其餘彩洋彩品均未出本社經收今特聲明祈應課諸君與孫君師鄭直接可也 本社謹啓

賜閱本編諸君鑒 本編自出書以來訂工難免不有缺頁之誤致令不成完本前此亦有來函屬補缺頁本社因一時難於檢查疎於作答今擬一律照補乞 諸君暇時一查應缺何項書頁乞即 示知以便七月間一同檢寄不誤 本社謹啓

邵陽羅母孫太儒人七十壽辰加課展期 啓者社友羅君佩恥前為其太儒人廣徵詩文已屆截止之期收卷仍屬無幾今特展限半月務乞海內諸大吟壇廣錫珠玉以光卷帙不勝拜禱之至 衡州派報社代啓

振威將軍張君墓志銘

前人

君張氏諱紹堂字又堂合肥人也宅于江甯 皇二十年秋考終甲弟長子錫珍先從淮軍典司軍械前一年病故其弟士珩代之奔喪歸葬時東夷有風塵之驚廷臣諛囂倉黃促戰指斥淮帥及其私親淮帥李鴻章君妻兄也器賞三甥均寄重役飛章告變誣為邦約違勞名捕若且走胡越士珩自瑩還詣上元對簿諸子遑遑莫敢營塋幾二年事乃白坐舅甥不嫌奪職淮軍聲名掃地矣君本謀興淮軍翌中興元從功臣也又與李密姻平江南四年引疾終養三十年未嘗出家門淮人督撫提鎮半天下勢傾中外君無竿牘之問類先知有今日者而歸塋之日猶幾為兒子累孤棺縣縣封樹弗營古人所為感喟于功名之會也自曾國藩避事而推淮軍嘗淮軍者復推湘軍及夫朝鮮失援二京震驚湘淮軍並無威使論者猥疑巨寇之平徒天幸耳冒刃陷陣今也則亡李名既墮會計亦乖一時之將相烏足榮乎恨是非不

明辱及 國家後世諱史莫識其所以成敗卽君雖超然善終而地下之憾將無窮也義軍之起本以自衛推鋒習勇久豔其利敗不任咎失城無罰故折而婁奮挫而不撓今乃越國縣軍動輒牽連敵兵未交已若潰亡韓白之將復何所用諸帥汰然估其富勢忘初窮勞而欲倖功不叛爲幸敗何可得而淮軍坐食饋餉幾三十年有累卵之危無橫草之功知進不退以致於此使稍思君告歸之義知閒居之樂解散部曲豈遽終廢故論君行述非獨見淮湘之廢興卽天下大計可指而見君十五學書二十學劍三十從軍四十退間凡在軍克城二十破壘陷陣功可紀者百數由監生擢至記名提督得勇號翎枝又以子官封光祿大夫其伐閱富貴皆非正志獨好儒術教諸子孫並令從名宿大師及君之卒兩子貢舉有文名長孫亦舉于鄉矣淮人六七督撫未一歲而皆罷由是知早退者之善自惜其名也君以甲午七月己亥卒年七十有六歸葬其縣棗林岡旣紀功于豐碑爰具敘淮軍本末以昭

智勇而采羅榮光之誄以爲之銘其詞曰

淮軍勃興始張靖達維公成之與湘比烈劉吳周潘皆深相結實定中原李乃建節爰初桷角驂斬俊豪始搏寇吭復無爲巢中輔贛南偏師騰蹕躡徽鏃審三階以擢戈船三翼森馳電驅江滙一曠會師于吳下縣十七府二省一劇皆堅壘彼棼是櫛吳之初夷奔伏藁叢輯我彫戶仡我崇墉建康之廬軍市十五抑之歐之民復其所竈丁弗飭撓通臬西負海十舍摧旄刈倪諸將遠巡莫敢先發率士九百奮其斧鉞功成不居幡然遂初張其羽葆御其板輿難進易退古之亮節今也視人爭翕翕熱我公高尙并世所希建康神臬獨鶴與飛子姓英英總轡皇道母顧而嬰楹書庭詰自母之殂神亡質在曾不終星亦歸東岱峨峨滯霍湯湯淮澗將軍一去雲日無暉亂曰世之論人以成敗母自敗名以爲世快誰能逍遙死生之外種茲幽詞作鏡千代

雲貴總督 贈太子太保予諡武慎劉公墓志銘 前 人

公諱長佑字子默寶慶新寧金城里人也先世碑傳詳矣公卽登仕府君之長子九歲就傅通論語五經十六府試第一入縣學弱冠游學省庠十有一年省觀暫歸不過旬日同舍敬憚稱其和靜刻苦自勵未嘗驕吝布衣粗食終身不改道光末充拔貢生旋值土寇發軔之始遂兆兵端始領鄉軍實先羣帥楚湘義旅江曾盛烈公倡之也廷試例用歸遣重憂于是東南波蕩人無生理公沈幾宏毅夙崇剛節同縣江公方以知兵見重深相約結楚軍援桂公爲選鋒還遏邨永遂援洪皖陔隘廬穎帥沒師燔脫於虎口爲湘特將曾軍大出野南甌脫瀏醴以東唯公城扞沛公百敗卒清三郡險阻艱難備嘗之矣上慰州將下緝士心道充無訕察無其比既而大捷邵陽躡寇靈川文宗昭其忠良起家授廣西按察使署布政使踰月卽真明年開府一歲三臺曾何足論十年宿將猶惜其淹雖位顯名高境無完土馬飲城濠烽照轅門庫無一金蜚鴻滿野扶創補敝劬勞三年遷督兩廣入領王圻羣盜蜂蟻

大將蹀躞公以孤生領率羣貴乃部署離散申嚴軍法斬巨寇張玉懷驕將王恩第等於帷幕之下三輔父老始識軍容奔命五年坐無功策免假三品銜率所部回籍罷遣寇平敘防河勞列二品銜同治十年卽家授廣東巡撫便道之官未踰月移廣西民吏歡迎若奉慈母巨寇初平餘醜逃死部內民夷阻兵者十有八砦咸稟威愛稽服就俘篋貢復通桑麻蕃茂司庫儲銀乃贏百萬先緒元年冬遷雲貴總督過家上冢明年到官憬彼南方久成域外將淫吏瘠唯賄是聞公廉正之聲名於四海提督有饋因巡撫進焉奇琛溢目一一辨名公笑曰皆不識也遂卻不受然性寬多容委權兩司報銷行賅樞臣并黜公適入覲或議當以實陳恥于自異卒牽吏譴及造膝溫室初無詰問誠孚主知吁其盛矣在都引疾歸五年十三年六月辛亥薨于里第年七十遺敕諸子無敢乞恩 特詔褒恤務從優厚 予諡曰武慎以表良臣天下翕然對揚休命于是孤子思詢等以十四年四月塋我武慎公于本縣

東鄉木雞塘陽之原曾山卯趾名德莫贊又已十年叔子思謙乃謀羣彥食以爲功烈治狀所能稱者史册正書具如家狀惟公寬柔謹畏剛而有文宥密治心終身學易幼貧老貴其容一也當世才德莫能與儔自非親服彝訓孰能名之是用追懷景行勒銘幽宮感昔同袍彷彿音容其銘曰

明有功賞以勸儒林匪靳公侯嘉此忠忱公起選士直上千尋卅年金印韋布悒悒湘帥雲蒸奮其智勇曾德胡功左勤彭巖各有廉名比公猶冗生不交利子無餘寵天鑒孔昭民論誰譽實武實慎惻愍有餘滔滔南海謨遠且訏大哉三州萬姓悲謳人之云亡弗扶廣夏獨寐澗阿若宿車下業必有終時亦可謝將訪遺徽都梁嘉夜

實獲齋文鈔卷一終

武關襲秦嶺卽邯鄲返救而楚已入咸陽矣秦關既得巖函內外寧不投戈區區沛公有不供吾鞭撻者哉獨奈何津津鉅鹿爲也自項籍渡河沛公乃從容按轡不戰而入咸陽矣咸陽既入而曰滅之滅之既洩而曰殺之卽殺矣天下其可服乎况乃沛公十萬之師輔以秦民之歌泣籍以久戰疲苦之軍參諸侯烏合之衆雖四十萬欲以當十萬方銳之師其能滅之乎既不能滅輒復火咸陽大掠掘始皇殺子嬰則益盜賊矣予之天下其可居乎增不悟此直待久困滎陽間而後去抑知楚漢存亡固已決於河北一戰哉悲夫義帝君臣遣宋義爲上將實慮邯之銳舍籍莫克制其鋒欲以籍縛秦將於河陰使義襲秦關而以沛公固根本義死而後乃遣沛公籍戰河北統諸侯納降將而其志始驕遂乃不可復制而義帝之弑皆出增謀不然增立義帝而籍弑之使非增謀豈復待滎陽而後去哉史稱諸老將皆稱籍暴沛公長者可扶義而西帝王之略莫大乎是矣當時政權厥由呂氏所謂諸老將者

舍呂生而誰誠令宋義入關志必不圖自立沛公居守籍亦安能遷帝江南則沛公特一蕭何項籍一英布耳嗚乎豈非天哉豈非天哉蓋河北之戰為秦楚漢三國存亡如此

楚王無策

滎陽之戰凡四年而楚滅千古稱之嗟乎此兩人特戰守之才耳烏足言大略初義帝三年楚漢二年漢王入彭城大敗還守滎陽當此之時諸侯皆叛漢屬楚當此之時諸侯皆叛漢屬楚項王誠以此時逼滎陽退漢用奇兵食移民蜀漢間蕭何非將才不過徵兵入河東而分兵河內今懷慶綴漢軍則關中瓦解漢還救不暇安能從容收潰卒入櫟陽立太子建宗廟社稷皆楚二年乎哉項王既復彭城也乃遷延險歲不急攻漢遂遣信襲河東魏都楚固已失大援矣信之由魏出井陘入趙也楚三年雖留屯守衛而黎陽今延津縣河內必虛趙代千里其勢固未能遽下也即以其時正兵扼滎陽不戰而徙都大梁魏既再亡收彭越以安梁地分襲黎陽武關漢即死守滎陽而秦地已入楚矣趙魏既定漢已奪趙兵還守成皋楚皆復用酈生策杜太行守白馬即黎陽扼飛狐皆趙魏代以制燕趙保河東楚皆三年冬事前楚皆由魏東襲秦固已難矣然蜀漢道險兵備必虛當是時雖英布之未守可知

入漢而吳芮王衡山都邠今湖北黃岡縣所將皆蠻越兵共敖王臨江都江陵荆州府其兵嘗久戰南郡皆利入山楚誠以秦漢廣芮以巴蜀廣敖使自爭於漢則漢且備多力分區區滎陽亦將不攻自拔矣奈何血戰一隅相持四載乃且為漢滅哉

漢高無策

漢之守滎陽也先遣使說九江當矣既至乃令守滎陽而不使別將始固未敢信之也然布始受楚封即不復助攻齊地保彭城殺楚使而後歸漢其不能返楚決矣彭越之往來梁地也初為魏相魏再亡乃復助齊雖迭下梁城實乃中立為楚為漢其勢固無定也漢封彭越為梁王時猶稱越為魏相國可知夫以韓信之雄破趙滅齊坐收燕代既不敢自王於趙又不敢自王於齊且必待封於漢布越之不能自王已可知矣當漢之入彭城也越既為齊助田輒挾精兵三萬人來會其勢固可自王矣誠以此時封之梁地使扼中原之衝以助齊拒楚漢乃出兵以保梁齊齊二王必不為楚滅其德漢必深楚九郡既亡大半又無齊粟以餉其軍乃復舉彭城以益九江而定洛為東都親節度布戒交攻且楚救彭城不暇矣尙安能久戰滎陽哉

劉楊之滅

自古一統之國其亡也民必思其子孫而立之此豈私於其姓哉為其易定而鮮內攻吾民乃易安耳初南陽之起新市平林諸將議立君劉縝曰母帝也吾君立而他宗復立焉宗室且爭殺矣不聽乃立劉元為更始皇常夫元之不君光武之自立其勢固然誠無足怪獨惜既立而後殘滅其宗此無能為賢者諱耳方帝之奔信都至危矣劉楊者故真定府今正定王也擁大軍十餘萬助邯鄲時王郎假成帝子宗室多從而薊兵且北至薊亦宗室信都既陷真薊邯三郡間脫令南北夾攻楊復西入帝將安所逃哉乃遣使和真定納其甥女郭氏為夫人楊乃助帝滅邯鄲而鄙南以定郭遂册為后焉此固百世宥之者也及帝入洛二年而河北上言楊造讖楊固病瘵或為讖曰與綿蔓今獲鹿縣賊通其罪固未彰也此讖之作蓋當初守真定以恐民而非帝立後事也即叛迹已彰廢而徙之可也帝獨遣耿純巡真定見相閉閣殺之廢皇后郭氏劉嘉者故漢中王也春陵侯仁孫

也更始 初延岑南陽起武當襄陽府據漢中畧南陽嘉破降之都南鄭衆至
封王數十萬賈復說曰天下未定大王安守其疆其可守乎嘉笑曰此非吾任二
也誰此者其在大司馬乎吾將以子佐其成乃薦復及陳俊於帝二
 年衆至洛降乃降封順陽侯厥後諸王之封而嘉獨不與而劉永乃竟滅
 亡

玉有牆扶薛荔賣金無賦對芙蓉定知來日天涯路隔斷紅簾又一重
 風自淒淒雨自來昨宵鴛枕不驚雷空聞楚語烏啼好幾見秦臺鳳引回繡
 被鄂君愁褪色香斂韓偓悔多才檀牀坐暖薰鑪冷自拔金釵自畫灰
 花外紅闌別一重羅巾方勝替君縫玉釵低壓鸞紋窄銀蒜雙鈎燕路通唾
 袖掠乾今日碧酒裙迴汚昨宵紅相思又判苔陰立莫遣雙魂更化風
 珠簾四捲閒中堂簾內人如錦瑟長似此星辰看織女不因風浪嫁彭郎燈
 花落盡皆愁蒂釧語傳來有笑香底事三年成一賦多應妒殺楚臣狂

右無題四首次韻

秋怨春歡迴不同鎖窓青鳥信能通芙蓉塘冷初更月柳樓低昨夜風歌
 扇舞衫都爲捲釵盟鞋誓易成空斷腸花共同心草分種珠闌各一叢
 牢鎖金魚不啓關釧聲依約度屏山更無羅袂遮心鏡且有明珠作耳環曉
 色窺簾渾是夢夜香薰被正多閑琵琶聲破冥冥語只在花樓第一間

十二紅關擁碧筠畫簾垂地雨如塵邯鄲嫁後春無主洛浦移來月有人梁
曲乍宜藏海燕瑟波空自舞湘鱗高唐一賦堪惆悵淚雨斜行墮錦茵
右戲贈三首次韻

贈汀州江叔海

南船北馬五千里初見江郎作賦才地接盧龍天下險人從屠狗肆中來寒
窗敗藁詩千首暮雨僧廬酒一杯莫向居庸更南望楚雲迢遞雁行哀
無題二首次冒鶴亭韻

野亭香塚問陶然儂汝行程不隔船翻笑樂奔來月裏幾陪花想在燈前裙
拖鳳尾臨分地簾卷龍鬚欲雨天莫漫旌亭賭先唱流觴還羨竹林賢
貪看五色煉河車爭擲鬢花侍玉除龍種收西極馬鬣刃先燴武昌魚珍
珠字底勤相認荳蔻梢頭恐不如近海炎敲倦梳洗繩牀閒誦茂陵書
次韻簡鶴亭

寒草盧龍點古悲元亭寂寞宇仍奇頭顱忽看今我耳目悠悠豈故知夢
入龍堂珠有暈歌哀駝陌棘橫枝與君老大同憂樂爭向磻溪問釣師

易順鼎

字實甫湖南龍陽人光緒乙亥舉人
官廣東廉欽道著有琴志樓叢刻

將去都賦感四首

破帽殘衫不自聊窮途僕馬各魂銷夢中去路傳江筆花底流年謔洞簫平
揖公卿非有恃廣徵歌舞爲無慘如何袖卻凌雲手閒看他人賦早朝
吹笛高樓酒易涼春來飄泊柳絲鄉長安似海無歸路名士如花有散場新
樣衣裳雲慘綠舊家門巷月昏黃空山此去牽蘿好貧女生涯倦倚妝
旂亭話別對殘鶯翻悔年時載酒行墮地風花紅有劫極天煙草碧無情才
歸幻境如雲退愁向歡場似水生望斷燕南行馬路一程程遠是離程
春樹華年踏踏歌鬢絲風裏盡銷磨燕尋鶯覓長如此鳳泊鸞飄奈爾何酒
夢醒時寒特甚禪心定後熱無多問他連夜花間月忽送行人到潞河

爲有

爲有江湖興拙帆暝不辭秋痕雙鬢換客夢一鷗知楓冷如中酒蘋香欲上
詩湘靈堪晤語弭節未嫌遲

感舊寄余雲卿觀察蜀中八首有序

同治甲子余自賊中出老僕劉高昇等迎余於應山時襄郢間多賊歸路
梗而聞吾父母在漢中因由楚入秦取道鄖竹鄖竹之境有黃龍灘者余
雲卿太守所居也太守方讀禮家食以鄉兵保其鄉賓皆如歸賊不敢犯
會余與僕等迷失道踵太守門告以故太守遽出抱之曰此真易君子耶
歸之在我遂留處其家旬日公子輩六人與余年相若相得故甚歡嘗折
柬書姓名約爲兄弟余自此不復憶歸僕等無如之何商太守乃僞爲避
寇也者當曉兵皆衷甲旌旗照灘上云太守將移家某山某寨先送余往
迨余舍舟登岸後始知其紿而馬聲旗影已在蒼茫煙雨中矣一別十年

竟如隔世甲戌春景堂家兄歸自蜀爲述太守服闋後觀察蜀中應官之
暇猶屢問當日垂髫童子河山如夢身世不居今忽忽又四五年景堂家
兄則已墓有宿草太守一官聽鼓數旬不候而備嘗患難如余者行年二
十漫無所成復不能命駕登堂與舊時諸弟兄翦西窗燭花一話人間乘
海如蘄子訓之摩挲銅狄丁令威之化鶴歸來也循覽是詩能不悽然流
涕也哉

鄭根漢角路崎嶇烽火頻年戰骨鋪赤地人憤雞犬命黃天鬼哭虎狼都屈
原哀郢方爲客土會辭秦尚有孥曾宿澤聲明月裏夢回山閣聽啼鳥
年時辛苦賊中來失路王孫自古哀小住翻回二宿戀旁人錯把一家猜離
將虎口都言命索到豬肝豈爲才風鶴聲中催早別模糊記得片帆開
冷覓食添病覓醫他家珠向掌中持視同己子真何故問到君侯也不知乍
見居然悲善集相忘轉欲別離遲任儂沿得懷安例無奈恩恩醉遣時

一卷蘭言小字臨斑衣竹馬舊題襟貪將兄弟聲聲喚忘卻爺娘處尋東
閣郎君應好在南軒將種定如今思量怕是前生事半响猜詳未敢吟
聞道蠶叢萬里長天西煙雨相相望雙魚字落巴江遠五馬人傳漢代良照
入關山心共月吹來消息鬢如霜平生一飯恩難報怕讀淮陰傳幾行
曾從遠道勸加餐聽鼓天涯共應官春兩謝池人去易秋風蜀道鬼歸難全
家苦樂惟公悉後日恩讎要我完都向今朝根觸起累儂心鼻一時酸
君家別業泐青峰不辨煙蘿第幾重客路雲山流寓感兒時風雨釣遊蹤魂
從定後收還悖夢到殘時竟轉傭老僕也如宮監在白頭閒坐話元宗
甌生幾載辨香燒每說恩門淚總飄過去亂離都有味別來歌哭太無聊萬
重人海青琴隔二十年華綠鬢凋何日天南尋舊隱相逢猿鶴也魂銷
劉松生將軍自錦城來榕喜晤即送其出師銅江
我所思者乃在五湖一葉之扁舟君所登者乃在三巴萬里之高樓射虎人

言蒙玉女一物二名故無妨於再見然再見而未離於一部則非異物同名
既釋於蟲復釋於草亦可概見蒲盧爾雅之外見於山經者青要之山是多
僕累蒲盧郭氏彼註云僕累蝸牛也蒲盧螟蛉也惟中庸夫政也者蒲盧也
朱注引沈括以爲蒲葦按詩之詠葦葦者不知凡幾皆不作蒲盧則蒲盧仍
宜作蟲名而非草名也上文人道敏政云云必當時有是語而所謂蒲盧蓋
如詩言螟蛉有子果羸負之言其教令之行其速有如是而不必因敏樹二語
而謂取譬者必仍不出於草木也

土姓 夏書水土既平而以錫土姓列方貢之後五服之先春秋傳亦曰天
子建德因生以賜姓胙之土而命之氏諸侯以字爲氏官有事功則有官族
邑亦如之一若胙土命氏皆受成於天子諸侯非可自爲沿革可以任人之
設置而可輕爲更易者嘗考之經傳載籍如魯之三桓猶可曰官族於是因
以爲姓然如北宮孟施少施亦可曰沿三桓之例乎江黃道柏辟在南服不

計矣邠黎來晉號爲小邾邾可號爲邾婁越可稱爲於越詩之國風先邠而後衛而傳反無聞列唐魏以先秦而傳不並紀而杜蕢之爲屠蒯公孫枝爲公叔發蓋亦承周之未造所謂祿之去公室政逮於大夫而赴告異文記載多缺或改易之必有所據而未暇入故府而深考或傳寫之不無參互而未獲邀太史之輶軒正不待秦火之虐而惡其害己之諸侯既去其籍於先而踵而效尤之大夫遂承其流於後而文獻無徵乃至斯已極此孔子所以致慨於史之闕文季札所以興歎於周禮之在魯漢承秦後入關必收圖籍蓋古籍之散亡僅賴一二宿儒補苴掇拾徵文攷獻之不遑而名氏版圖尤非可以易易從事者哉

經中媚字不皆媚惑 諸經中如詩之言媚于天子媚于庶人媚茲一人皆以媚爲親順之義與毛鄭所釋以道於媚於上下者正合秦風公之媚子亦猶春秋傳賓媚人皆稱美之辭無以爲側媚者朱子注與其媚於奧寗媚於

龜訓爲親順猶存古義惟書之側媚乃以側爲媚傳釋爲諂諛蓋惡其側非惡其媚也古者僕御皆選正人妾媵尙嚴當夕故無慮女子小人之難養此人臣無將將則必誅既嚴其防事君盡禮人以爲諂必明其辨也

經文互見可以證闕 諸經皆先聖大義微言如經解所記溫柔敦厚詩教也至屬辭比事春秋教也云云疑必有所受雖刪訂於尼山羣亂於祖龍然各有體例自不相襲迺攷遺文徵佚籍實亦多所闕畧如書記事者也然帝乙歸妹高宗伐鬼方見於易而書竟無文王命南仲命程伯休父方叔召虎諸人皆中興之良佐而書缺有間及見於詩罔命呂刑且列於書矣然祈招之欽欽諸什見於傳而不與五子之歌並傳昔殷紂亂天下脯鬼侯以享諸侯見於戴記而書未詳其他如土國城漕及從孫子仲平陳與宋見詩而春秋未書魯人爲長府見於魯論而春秋竟未一載其秦誓之文詳於書而傳不備錄公用享於天子王用享於西山公用射集於高墉之上師左次皆若

春秋書法而不辨其爲某公則以於傳無文而特存其文於易其見於檀弓而傳若全不知有是事者尙不勝僂指抑或此存彼佚或乙畧甲詳所謂孔子沒而微言絕七十子絕而大義乖昌黎文尋墜緒之茫茫獨旁搜而遠紹蓋不知幾經望古遙集矣

雨 禮稱天降時雨山川出雲詩言有渰淒淒興雨祁祁易亦言密雲不雨則雨特山川之氣與天地訢合惟周禮言臚師雨師遁甲開山圖迺作宋帶古稱赤松子爲堯時雨師一似有神實主宰是然猶以雨概之西陽雜俎貝編引釋氏言佛在兜率天上雨牟尼獲世城雨美膳阿脩羅天雨兵仗惟閻浮提世界雨清靜之水其說近誕然徵之往籍如倉頡造字而天雨粟春秋經傳之雨益雨木冰星隕如雨漢以來東觀漢記五行志諸書咸紀雨草雨血雨肉雨錢雨釜甌雨毛似較之釋氏西竺之貝筴所誌信而有徵然所言亦適有冥符元契者如謂雨所本無則倏然何以成質如謂雨所固有則挾

雨緊風淒鴉嘯鶴唳天若
新月而奪人愛月之情者

六窗人倦倚芭蕉雲影盤空隱寂寥
繞屋槐陰穿夜火隔牆風響作秋濤
杖藜所至皆山鬼巨壑之間有洞簫
守得廣寒人一見可能無語伴漁樵

十四

淫溢秋霖后土竟無乾日揮杯勸影欲
叩閭闔一呼月姊而不知涕之無從也

寒吹瀟瀟竹塢清一簾江雨咽湘靈傷心已棄蒲葵扇抱膝長吟貝葉經
失路那堪頻痛哭銷魂猶復望娉婷
人間盼殺中秋夜隔斷瑤臺第幾庭

十五

同俞子右吉屠子闇伯王子公沂集朱子子葆山樓時密雲
滯雨四望陰森頃之雲少輕微露天一綫竊謂庶幾可得月
也已而又雨時至二更忽而天宇晶滌冰輪倍明似有異人
引至天柱峯頂一觀瑤璠之乍出者已而又雨則冥濛竟夜
矣

敗荷衰柳響山樓異地同心結旅愁此夕聞歌傾一座幾年無

月恨中秋中秋無月凡四年矣黃雞紫蟹多兼味舊釀新炊有勸酬寒兔

斜飛金井濕海天雲影共悠悠

十六

薄暮疑陰步入楞嚴講寺寺莊潔空微是
明肅皇后皮藏經處徘徊瞻禮若在鏡水光中頃之雨至青翠
濕衣矣夜竟不見月也

青天秋削玉芙蓉石鼎猶盤舊六龍雨逗殘霞收遠水風吹落

葉滿疎鐘思家却望橫江雁入夢偏嫌近砌蛩惆悵謝莊空作

賦明河惟有白雲封時徐廣菴方作月賦

十七

自辰至酉雨無停聲已而寂然啟戶視
之疎星澹月籠罩樹間杳梵唄甚樂

閉門閒聽雨霖鈴回首關山眼更青竹栢影浮千里月笙簧聲
合半天星欲輕世累思遊嶽暫遣愁心問采苓敲斷木魚參玉
版色空空色一時醒

十八

夜大風吼聲甚洶湧晝見微日夜見皎月因思是日錢唐
看怒潮石湖看貫月不勝神往也以月始以月終詠月哉
客睡何嘗到五更起來方見夜分明濤衝白馬驚烏鵲月上青

樓響素箏靜極反能添旅病愁多不復憶秋聲丈夫何事同兒
女坐指銀河淚暗傾

過攜李訪楊季平值其偶病詩以訊之

南湖落木響空池官舍秋清伏枕時病裏瘦生身似鶴愁來懷
古鬢成絲高峯一卧誰招隱遠水孤颿自詠詩海內寥寥形贈
影逢君應許說相知

二

離家作客滿江湖舊恨新愁仁有無縞帶甫能通季子結交眞
可信夷吾饑寒未敢辭溝壑飄泊猶堪入畫圖幽磬昏林聊憇
寂三秋風起飽尊鱸

贈朱子葵鶴州草堂

西風雙槩水東流桂樹叢生近鶴州五馬舊迎天末雨八龍新
接海邊秋藏書自識三公府對酒遙知百尺樓出世也能如鏡
徹還將消息問裴休

二

得拜元方藉季方疎林秋晚奏笙簧茶烟帶鶴通花徑屐齒隨
鷲到草堂淇澳清風惟種竹成都薄產但栽桑十年再見悲霜
鬢惆悵鴛湖認夕陽

過褚硯耘園亭兼呈屠闇伯

重訪閒園古寺東門前秋色二梧桐烏皮坐映幽篁碧白袷行

五湖遊稿
沾落葉紅硯北每聞飛鳥下
灤西疑在夕陽中
孝廉船是張融
屋受盡樓臺一簗風

贈屠闇伯

高視乾坤調轉孤秋帆千里
逗江湖爲尋杵日留師友敢向風
塵失丈夫蘿薜滿園棲野鶴
榛苓斜日歎飛鳥臨流共羨遊魚
樂莫更違山聽蟋蟀

二

朱子論交別有緣知君高義比秋天
深山大澤惟孤往短褐長
鏡只自憐把酒每來叢鞠下行吟
多在野雲邊蛾眉不畏宮中
妬肯向他人說棄捐

老樹菴藏書

五湖遊稿畢

番禺沈宗畸太侔校字

月巖畚土耳一隅乏名蹟三世籠有之遂亦不忍擲斬茅獲所庇爨復問水
石白雲時逢逢淙泉日激激獨守拙與頑不顧非與刺長此爲窮人骸骸哀
七尺抱卷而吟唔姑作蝸粘壁劉項分榮陽嗟彼疲所役

寄懷江巡檢翰

遠念江巡檢愁聞驄馬嘶壯年衆人底抱印一官低寐莫窮山住聲名傲吏
齊數行寄相憶秋色武陵西

至日登縣城

水縮天穹落照微北風一雁看歸飛冷雲垂兩日長至瘖縣倚江山亂圍筦
利魚鹽謀總拙連橫歐亞事多違癡兒豈解憂時局却爲登高涕滿衣

旅夕

一榻冷於夕羈孤無可親却因祠竈夕轉憶倚門人慘慘風與雪蕭蕭夜嚮
晨散裘故好在但畏泥塵

遣悶

巖絕屏顏不可攀，僧寵無往亦無還。閉門一榻寐如水，隱几六時長見山。論事頗嫌翁留舌，在逃虛稍喜得身閒。時方龍戰吾獅睡，病國相看淚暗潸。

吁嗟乎六章禽少蓮之作錄二

比屋赤立哀吾民，十室蕭索九室貧。質絲糶穀計輾轉，賣納官租官尙曠。朝夕不瞻亦不恤，寬大似戀君父仁。吁嗟乎民窮子然遭吏剝，吏雄於虎不可角。

大旗搖搖十丈強，截江權貨江水長。舟人長年累足立，官納私贓虔傾囊。三日五日阨不脫，一關一險一太行。吁嗟乎算縉濟軍非得已，時平無人解議此。

聞天津警二首

北府旌旄警眼空，援京扼海兩俱窮。尙書狼狽仍賒死，猶飾沽臺一戰功。

睢陽痛說圍城陷，慨慷南雲死。隕軀誤國亡身有餘議，一時功罪總模糊。

讀柳州囚山賦

眉峯不與時爭，無李蔡爲人甘。下中官職，聲名兩無分。囚山兀兀老文雄。

葉鎔仲經 庵陶

秋墳

鮑家詩句未荒唐，誰吊孤墳向北邙。寂莫文章愁夜月，飄零粉黛委秋霜。春婆夢醒終黃土，薤露歌殘冷白楊。往事不須嗟，代謝玉魚金盃尙淒涼。

王景沂義門

京口舟中

扁舟渡江岸，長風送行路。山寺聞清鐘，晨曦藹芳樹。波光覆嵐氣，蒼翠入煙霧。江山無古今，樹色有朝暮。孤帆疾於箭，雲容盪窗戶。高柳憂鳴蟬，圓沙立雙鷺。江鄉隱者誰，我欲浮家住。

客感

羅裳漠漠帝京塵記取浮雲現在身客路有詩惟斫地家書無字不催人敢將白眼逢衿父怕問殘花孰溷茵回首故園榴實豔半生贏得是勞薪

真娘墓題辭

一春夢雨了無痕鬢影釵光斷碣存過眼鶯花名士淚撩人蜂蝶美人魂埋香畝久情天老門草游歸夜月昏莫問蕪墟舊芳徑吳娘憔悴怕重論

謝景唐 闕先 閑仙

春日雜詩 十七首之五

朱夏多驕陽蓋向窮冬移窮冬多酸風蓋在朱夏吹人自有愛憎氣候了不知吾覺風日美四時咸得宜
偶汲古井水爲灌新種花綆短汲不深仰此蓬中麻夕陽漸西沒抱甕樂無涯草木既解 吾亦來煎茶

園果爛熟時鄰舍爭來摘兒童舞長竿墮地未細拾鳥雀馴可親跳躍欣得食主人賞獨遲還擬種其核
拂拭短藤榻移向花陰坐手携一卷書尙作高枕臥臥游兼腹稿晝寢非懶惰書痕頰上生書味夢中過
酷吏雖威炎羣盜滿天下酷暑雖薰蒸群蠶起盛夏何況西風來肅殺猶爲霸定如冬春交潛移而默化

林學衡 浚甫

寄張恪如

秋至仍爲客思君淚滿衣夢隨孤月落心逐亂雲飛靜夜人長嘯空山雁獨歸何當把盃酒相對賞芳菲

上沈太侔祠部

藉甚荊州譽時流競識君風塵名士賤湖海黨人紛官冷心猶熱才雄意自

欣落花何處所腸斷沈休文詞歸落花詩傳
一時和者殆遍

驛亭題壁

浮雲來去幾曾停徹耳驢歌未忍聽春艸不知離別恨年年綠上短長亭

梧桐

院栽青楓林梧桐在其側訝道秋已深葉葉帶秋色

與執宜舅父不通音問却寄并乞代搜閱中先輩著述

猶自音書滯一隅渭陽絕憶董安于天涯琴劍知交少海內文章別派殊先哲精神寧忍沒鄉賢著述最相須抱殘更恐見闕陋蒐討還來問宿儒

陶 遂 雜 雲

秋草四首

消瘦裙腰劇可憐春風原上又經年王孫老去成陳跡瓊瑰歸欲化煙四
面砧聲涼露夜一絲鞭影夕陽天謝家舊夢池塘冷更擬題詩寄阿連時寄家弟

一 塵 書

西風宿雁滿沙汀疊疊峰嵐冷畫屏記得春隄袍妬綠祇今歧路眼誰青迷離前度雙飛蝶憔悴深宵幾點螢報道賭釵人去也空餘倩女影亭亭風暖閨中陌上薰不堪回首憶離群魂銷南浦歸猶未游倦西陵手又分餘力尙能迎白露再來原可接青雲向榮心事渾難說淪落天涯我共君漫道榮枯感此身論勳無媿在紅塵幾番指佞驚朝士一卷離騷共美人客是酬恩終繫結卿原隨意偶成茵待他香到梅花骨還向書牕作比隣

傅士珍 雪 燕

古風

人生足離合以情彌縫之一室有異心對面成天涯嗟我意中人遠處江之涓風濤斷舟楫夢寐難通詞我有雙龍鏡深藏在羅幃願得佳人來照耀生光儀我有同心結縮以黃金絲願得佳人來共賞芳菲時水流竟歸海花落

難上枝棄置何足道此情誰復知此情誰能知緜歎良已遲豈不悅淑美禮
防欲自持惆悵望寒修月夜吹參差

幽蘭不自獻因風呈異香明珠不自投永夜流奇光君看黃目尊致身至明
堂古來缺折者何必非干將

驅車游燕趙直上黃金臺回首望天閭萬里浮雲開山川毓靈秀豈無經世
才千載竟寂莫古人安在哉

我有龍門琴深藏玉笥裏不敢輕揮弦恐驚箏笛耳誰識靜者心悠然念無
始西方有美人悵望師襄子

袁祖光小傳 隸國

題錢聽邠行年七影圖

有客示我七影圖一幅一影工描摹行年六十如須臾隍中之鹿陳中駒身
世閱歷蔗與荼旋離旋合悲閒愉記自初生懸桑弧王父珍若掌上珠頤角

弗及而旌表盛典先及其妻揆諸本懷有辱無榮又謝氏存日井臼惟甘一
旦捐軀尸饔使母死果有靈必以不終養爲恫豈以微坊表爲榮凡此幽衷
哀懇原鑒於是令寢其誠延津余思復遺以詩云落落邱郎洵自奇佳人一
死却相宜不知何故辭旌表偏取人間幼婦詩見甯化縣志

緩寇紀略自成陷西安士大夫如惠世楊者耆耆人望亦受僞官最甚者張
國紳覬作賊柏首倡僭號又誘太僕少卿文翔鳳之室鄧夫人進鄧江南令
族知史書工詩國紳以爲必見幸自成顧重翔鳳名怒曰若同輩不能庇其
伉儷而行媚我耶叱國紳斬之禮鄧而歸之據此則鄧夫人嘗失所而北略
載太妙賦詩事云癸未冬關陝蹂躪鄧以才甚爲寇盜所知淪於闔遁於秦
流離於幽冀嘗賦秋思一絕云蒹葭一望碧連山襲襲輕風拂翠鬢秋色亦
知亡國恨卻教落葉盡成班是鄧自闔歸之之後又瑣尾流離他鄉也
商景蘭會稽人吏部尚書周祚女祁公彪佳配悼亡詩云公自垂千古吾猶

戀一生君臣原大節兒女亦人情折檻生前事遺碑死後名存亡雖異路貞白本相成詩蓋作於紹興失守祁公死節之日也

王師之下金陵也前明動戚降者甚多其志節獨高者無過懷遠侯常延齡侯字喬石號蒼谷開平十二世孫崇禎時襲錦衣指揮疏十二上帝爲嘉納熊姜獄起抗章請釋之又致首輔周延儒書以文彥博救唐介故事相激勸由是直聲大震南都立劾馬阮專國疏入不報即挂冠去乙酉後與妻徐氏中山公女偕隱金陵湖塾種菜爲生歿後無以殮友人醴金墓之雨花臺側乾隆初侯孫執桓以侯種菜事乞諸名流詠之錢幼光云金陵城東湖塾村中有隱者開平孫通侯甲第今已矣意氣豪華無復存開平去今凡幾代五王之後惟君在往昔爭言青門瓜如今獨數湖塾菜厲太鴻云中山同志有賢婦曲折天吳移舊繡誰知偕隱灌園人同爲異姓分茅後幾稜荒畦非賜田吮菘早韭資寒泉可憐一紙鋤奸疏邵襄湖頭賣菜錢皆其實錄姚改之

云宮中正唱無愁曲世外猶存未醉人亦切

張翠巖詠徐五云珠履金釵幕上居江南豪羨兩尙書羣中可有屠兒否斗酒來年一款廬徐五名英字振烈侯官人曹石倉先生與之友善汀州之變徐携隻雞斗酒徑造先生廬排闥而入見先生驚曰吾辨此奉祭耳何尙在也先生遂拜而就義焉數日人見溪中有浮尸者素衣冠識者以爲卽徐五也徐題門前桃符云問如何過日但卽此是天又題廳事二聯一云仗義半從屠狗輩負心多是讀書人一云金欲兩千酬漂母鞭頭六百撻平王皆悚人語世傳鼠因糧絕潛蹤去犬爲家貧放膽眠亦徐句余田生張超然俱有徐五傳

柳敬亭本姓曹名遇春見顧開雍柳敬亭歌序蘇崑生本姓周名如松見余懷板橋雜記二人爲左良玉客見待甚厚故良玉討馬阮敬亭爲之投檄良玉卒於軍崑生爲葬之杭冒辟疆贈柳云憶昔孤軍鄂渚秋武昌城外戰雲

愁如今衰白誰相問獨對西風哭故侯吳梅村贈蘇云西興法曲夜深聞絕似南朝汪水雲回首岳侯墳下路亂山何處葬將軍

同安諸生阮疇生旻錫鼎革後遁入緇林爲輪山大禪師佛門奧旨頗有發明弟子多至盈千與南浦覺浪大師抗所著夕陽樓詩稿語多清爽錄其吳江舟次云遠岸丹楓照夕曛寒蟬落葉共紛紛秋衣浣盡吳江水暮艇看窮越嶠雲客路每從佳處憶漁歌半是夢中聞何時重到西湖上聞與伊人語夜分

邊大綬有襄陽城樓感作云蒼莽沙塵黯夕暉樓頭有客拂征衣江聲直送千帆落秋色遙兼一雁飛短髮不堪杯裏感雄心又逐劍頭飛家山黃葉知何處夜夢徒勞覓舊扉饒有英氣大綬爲米脂令時發掘李自成祖墓自感敗衄走死蓋師唐安康太守崔某斷黃巢谷故智也大綬後歸本朝仕至巡撫先是發賊祖墳皆米脂門子賈煥密爲佈置明亡煥爲僧去不知所終

甲申之變嘉善魏學濂以忠節公大中之子不能早死至僞授司務大失其意四月十九日作絕命詞自縊論者少之詞云忠孝千古事於我只家風一死輕鴻毛臨難須從容嘻此豈初心乎

汪光復從魯王壺江戊戌拜焚舊命剃髮歸誠作詩自解其詩曰殘身安敢戀浮名秃筆頑鋒亦類耕歸誠蒙許歸農病去略知體粥好亂來最覺水雲輕碧天一笑當年夢白骨初埋此日生莫向淺中深索解風簷古道足怡情

明魯王浙師潰後奔金門依鄭成功以疇疾薨葬城東三藩紀事謂成功沈之於海誤也道光壬辰里人林瘦雲謝梅訪得其墓重加修砌捐貲祭掃有詩云蒼茫雲海憶王孫遺骨猶存亂石根島嶼千年依故老東南半壁望中原地經兵燹無完碣字蝕莓苔有舊痕從此青山妥杯土春來杜宇莫啼冤臺灣縣治魁斗里北有五烈墓五烈者明寧靖王術桂妃袁氏王氏秀姑梅姑荷姑也明亡王挈眷奔臺依鄭氏鄭敗王與五妃俱自縊王葬竹滬距妃

墓三十里五烈墓罕見題詠

邵步朱筠園二律石門吳修軒希潛四絕均足以入臺誌朱云百年荒塚在
 寧比玉鈎斜漫墮三春淚驚摧五朶花瘴鄉空墓骨絕海竟無家應化虞兮
 草臨風共怨嗟遙念叢蒿地王孫烈魄憑未能依竹滬猶勝望西鈔髣髴青
 螭駕依稀赤豹乘佩璫紛侍從愁霧夜長凝吳云白草離離玉骨香鐘山萬
 里但斜陽豆棚一夕聽遺事爭道寧王勝福王地老天荒不盡愁降旛一舉
 出城頭至今山月淒涼色猶爲渠儂照墜樓旄頭東國掃狼烟閩朔俄延四
 十年侯已死忠儂死節英雄兒女各生天吾家不幸語酸辛玉葉金枝一劍
 親報與先皇應更慰朱顏肯似白頭臣

竹清齋詩話詩有借題發揮者龍麟洲遇呂文煥於琵琶亭吟云老大蛾眉
 別所天忍將離恨寫哀絃夜深正好看秋月却抱琵琶過別船蓋借商婦嘲
 呂降元也毛西河過紅字店贈賣漿婦云錦帳雙鸞貌似花阿陽軍散各天

涯可憐紅字三家店不賣青門五色爪婦保定伯家婢也毛過西陵軍時婢
 嘗捧殮至遇之老而且貧遂解鬪勞焉保定失節因借婦以嘲之

鄭克柔先生變海陵劉烈婦歌序云烈婦夫武舉從左良玉陣亡無後婦嘗
 奉公姑待其終年即自縊死州人哀之稱爲劉烈婦詩云濕雲壓燈燈欲死
 少婦停梭拂衣起夜慘心孤倦欲臥沙場夢入深閨裏破甲殘旗裹血痕手
 提敗鼓號冤竟自云轉戰身陷沒斷骸漂骨黃河奔倉皇躑躅婦鬢覺羣犬
 亂吠秋籬根深夜欲啼啼不得淚珠迸落羅衾濕抹去胭脂罷曉妝翠翹雲
 鬢無顏色凶問傳來敗散軍果然與夢無差分温言緒語慰翁媪幽閨裂破
 繡羅裙椎心一哭數斗血紙錢飄去迴秋雲柴門寂寞聽颼颼病婦把家門
 戶瘦夜夜寒機達曙光朝朝破井提鴛鴦十畝荒田歲不收一園花柳空如
 繡翁歿媪歿婦即歿宗祀無人妾何立拚將皓頸委紅羅要使芳魂覓沙磧
 丈夫死國妻死夫忠義不得轉呼吸一念徘徊事則敗包羞泉壤何嗟及至

今墳樹晚悲號荒河白草秋原高寒鴉孤棲夜不定哀鳴向月求其曹

銅仙殘淚終

毛詩草木鳥獸蟲魚疏卷下

吳太子中庶子烏程令吳郡陸機元恪撰

鳳凰于飛

雄曰鳳雌曰凰其雛名鸞鸞或曰鳳皇初學記引補一名鸞鸞一名鷟三字各本

列雌曰皇句下今依初學記引列此文義方洽其形鴻前鹿後蛇頸魚尾龍身燕頤雞喙首戴德頸

揭義背負仁翼挾信心抱忠足履正尾繫武非梧桐不棲非竹實不食朝鳴

日發明晝鳴日上翔夕鳴日滿昌昏鳴日固常夜鳴日保長得其屢象之一

則過之二則翔之三則集之四則春秋居之五則沒身居之據爾雅釋文曰

鳳皇曰皇其雛為鸞或曰鳳皇一名鷟非梧桐不棲非竹實不食二十九字毛本非竹實不食下多非醴泉不飲五字

鶴鳴于九臯

鶴形狀大如鵝長初學記引及丁本此下多脚青翼翼初學記太平御覽引

鳴疏春秋左傳疏引作赤頰赤目喙長四寸餘四寸本

誤作多純白亦有蒼色詩左傳或蒼色者今人謂之赤類各本無今字切常
夜半鳴故淮南子曰五字各本傳淮南子雞知將旦鶴知夜半其鳴高亮初
家皆養之雞鳴時亦鳴學記引聞八九里雌者聲差下唯老者乃聲下今吳人園囿中及士大夫

鷓鴣于垤

鷓鴣雀也似鴻而大鴻韻會長頸赤喙白身黑尾翅樹上作巢大如車輪卵
如三升杯望見人按其子令伏徑舍去一名負釜一名黑尻一名背竈一名
阜裙好水將陰雨則鳴各本無上七字又泥其巢一旁為池含水滿之取魚
置池中稍稍以食其雛若殺其子則一村致旱災

馱彼晨風

晨風一名鷓似鷓青黃色燕頰鈎喙嚮風搖翅乃因風飛急疾擊鳩鷓燕雀
食之

馱彼飛隼

隼鷓屬也齊人謂之擊征或謂之題肩或謂之雀鷹春化為布穀者是也此
屬數種皆為隼

有集維鷓

鷓微小於翟也走而且鳴曰鷓鷓引作首鷓然其色如雌雉尾如雉尾
而長其頭上有肉冠冠上縈毛長數寸如雄雉尾角也各本無上三字僅
其肉甚美詩緝引有故林慮山下人語曰林慮爾雅釋鳥疏引作林
四足之美有燕兩足之美有鷓者似鹿而小也詩緝引有

關關雉鳴

雉鳴大小如鷓各本作鷓深目目上骨露出幽州人謂之
鷓丁本楊雄許慎皆曰白鷓似鷹尾上白各本無上十三字據詩爾
鳴鳩在桑

鴈鳩鵲今梁宋之間謂布穀爲鵲鵲一名擊穀一名桑鳩按鴈鳩有均一之德飲其子丁本卷上三字釋且從上而下莫從下而上均平如一

宛彼鳴鳩

鴈鳩斑鳩也各本及埤雅詩緝引作一桂陽人謂之斑佳各本無此句爾似

鵲鳩而大項有繡文斑然此句各本列今雲南鳥句上鵲鳩灰色無繡領陰

則屏逐其匹晴則呼之語曰天將兩鳩逐婦是也今雲南鳥大如鳩而黃啼

鳴相呼不同集謂金鳥或云黃當爲鳩聲轉故多移也今雲南以下文毛王

鳥大如鳩而黃當爲鳩聲轉故名移也中書十四字又云鳴鳩一名爽又云是鵲

翩翩者鷺

鷺其夫不各本卷上二字今小鳩也一名鷺鳩引作浮幽州人或謂之鷺鷥

梁宋之間謂之鷺揚州人亦然

春令在原

細穿簞痕涼似水山翠遠于天細草圍馳道殘萍帶斷船傍花諸事懶歸緩夕陽鞭汪餘園和云公餘成雅集小聚亦搏沙蘿薛過墻綠芙蓉出水花忘機狎鷗鳥多事亂鳴蛙漫道南皮樂浮沈李與瓜長至日如年清游廢午眠好山青到郭遠樹綠連天梅落聞歌笛藕香無妓船夕陽歸路近緩緩策吟鞭余亦有疏水來安艇移風去就花風生一水縹雲送半亭陰之句是日座中有益陽夏琴甫孝廉工琴歌伶芝香桂香侑觴拜爲琴弟子余贈琴甫詩兩結句妙入無聲處隨香上藕花一笑栽桃李蓮花列絳帷芥滄皆以爲妙語和余詩云未爨修桐自百尋被人鐫削強成琴豈堪世上箏琶俗惟見月明風露深半老疏狂成誕伯一生來去問觀音眼前喜有諸賢集不肯清談讓竹林曾向東南踏步尋好山如笏水如琴孤蹤一落海天外歸夢幾回湘路深小可園亭聊野憩偶來賓客半鄉音梅花嶺畔雙飛鶴清福何年擬遁林均瀟灑名貴落落塵俗之外世無鍾期此調付之空山流水而已余酬之

云屏除冠蓋獨招尋無夢猶當一枕琴肅閣風光臨水好冷官心事與秋深
疏花合管清涼客老樹能鏗太古音著我畫圖黃子久軟紅塵裡自山林
琴甫年五十餘家種二十四樹梅花自號香雪窈主亦工詩見贈有西風欺
白髮北曲失紅牙忘機鸞侶但清影失意蟬吟空好音之句愛余東家顰長
人賺諸曲本爲正宮譜具見古誼今夏試銓部以州別駕聽鼓金陵非所願
也芥滄贈琴叟云琴翁老住梅花下掀鬚笑入二南社社中六子推重君得
君價更增風雅叩船吳兒引聲出貴人那知臣姓夏榮華秀語逕肖天何取
啄菴變東野彈琴詠詩擅兩絕白頭屢被風流惹昨來低弄復長吟清古之
神貌瀟灑五月家家好團扇拈毫要爲琴翁寫荃蘭芳草清入骨安用金門
侍枚馬老疏挂組邇湖山倘是雲中採樵者須臾渡海指東去江天一笑來
白也眼前驪歌猶未歇開樽社友仍堪把龍毅夫部郎 年亦贈琴叟云清
涼四座靜無譁細聽瑤琴日已斜數點霜鴻過遠塞一聲秋鴈落平沙從來

麴蘖憐高士且喜梅花是舊家勝地相逢休恨晚故人何論在天涯

湘潭王壬甫先生年八十餘 賜翰林院編修是時科舉既廢留學生以

科學卒業歸 廷試高等尙有仍編檢庶常之名目者先生自嘲有句云愧

無齒錄稱前輩幸有牙科步後塵殊堪捧腹

同年歎縣許壽唐太史承堯詩宗玉川長吉不爲人云云語近以全稿見示

愛其林杪云林杪見雙月夜氣如水中庭數弓地樹影搖碎明秋盡河已
無微辨三兩星守寂亦怡悅陶然契無生夜行云夜行亂山中深黑如入甕
森然萬籟定湖水獨吟弄頗能禁嚴寒相隨遠迎送山隙闢明星如在樹梢
動南陵道中云南天亦作北天色日如銅鉞暈圓白此時行役號苦寒十里
五里宿荒驛荒村人少犬不肥大風破壁吹茅衣老翁飯我一盂飯瓦器古
如周鼎彝橫木作牀荻作扉架竹取水掘地炊小姑抱兒語啞啞大婦應客
陳賢齋東隣抱甕言貰米苦訴米貴愁將飢無言舍去心悄悄道旁麥脚隄

芽小朱門云峨峨朱門平日時貴人欠伸睡眼遲錦障坐褥虎豹皮桂樹爲
棟芝爲楣明月挂壁玳瑁墀賓客車馬來逶迤出刺就謁不可麾將謁未謁
修容儀忽聞傳呼已怡怡折腰以進強笑長跼手奉黃金卮稱頌功德呂
與伊願主者壽千春期主者微笑頷以頤尻高首下再拜辭出詔于衆猶訑
訑更無囁嚅無忸怩後有繼者前是師巧拙相勝易見蠟費人厭數終汝疵
百計投伺復騁奇吁嗟旁有神鬼窺峨峨朱門知未知山嶽云山嶽無靈大
下小江河一去歲華新悲歌醒眼看斯世喜怒平心待古人碧血久寒誰論
定黑頭如昔敢言貧捫胸何物相撐拄驢磨年年事已陳均憂憂獨造羞與
噲伍志士馭時勢卽作詩一端亦不乘隕流而下可嘉也又論詩四言一首
極超雋詞云俠客名士美人奇鬼開卷颯颯談笑而起太華鏡碧微雲在空
海日浴紫齊燁濛濛飛仙往來巾帶繚繞萬里明月時有鸞嘯又落花句云
長成絕豔原非福到底無言似不情蓄抱獨高落落無偶殆可想見矣

程甘園詩沉博典麗前已錄其近體數首矣茲讀其渡海曲一篇爲其姪頌
孫題圖云排難解紛眞英雄都在魯連掌握中當年一笑無秦帝飄然直蹈
東海東千秋國士難再逢對此烟波萬里心怔忡吾家阿咸好身手讀書擊
劍馳吳楚報國常懷殪虎心辯材直扼連鷄口綺年負笈游東京屢向神山
作鳳鳴南金北箭盡編紵七年高會開朱櫻東歸渡海海凝霧正見燕臺關
幕府恩牛怨李竟誰是共聽漁陽三搥鼓朱邸夜半虛前席借箸焦思淚霑
臆肘腋難鋤董卓奸宮廷偏用袁盎計慷慨輕生虎穴投蠟丸鴈帛窮追搜
靈鮎涎餌翻吞鈎盡發鬼臙鬼域謀辨姦一論尤切直俊鴉冲霄被羅弋鈎
黨重鐫元祐碑髡鉗爭認林宗幘太學陳東今有人聯袂鳴冤伏闕北長安
大索追亡通短褐倉皇走析沽割鬚掩袂乘桴趨蘆中一飯愁饑驅蠶昏雨
黑擁被臥背後玉立天人殊自言家住新橋北舞扇歌筵似相識擊粟爭輸
姪女錢移隴自伴虬髯客戢影扶桑居四邊 兩宮哀詔遠東傳折關

堯母垂簾日又見 成王踐祚年烏臺密疏清朝右政盡先袂韓侂胄男
兒名成不受祿一洗淮陰功狗辱匹馬關山看夕曛歸來長揖漢將軍天下
無公亦無事鼠肝蟲臂奚足論汝不見醫巫閭山多白雲開元碑石皴蒼紋
就中應有上古東方典與墳助成遼東逸史恢奇文何若築廬山頂躬耕耘
長與猿鶴爲同羣汝勿渡海海風惡水噫山鳴不忍聞韻孫名家裡院之休
甯人

科場既廢廢肆日書籍爲古物有以一餅金易一詩韻者腐後之儀鬻餘之
琴皆以毀棄後見珍亦可歎也黃芥滄有買書一首云莫共前賢訪石渠偶
經麻肆自求書果然借似荊州重不覺悲來魯殿餘坐我百城貧未可比人
雙眼福何如麟殂鳳杳風流歌高價何因倍愴予俯仰今昔言之慨然其他
警句如詩情突兀入孤管世事蒼茫餘一身犬羊未必能成虎蚯蚓居然敢
替龍中歲功名諸子後大江南北早春餘欲燒金石生羣謗敢裂衣冠是近

續詩人徵略後集卷二

江都吳 仲夢蘭輯

臧穀字貽孫號雪谿晚號宜翁性嗜菊又號菊隱翁江都人以庶吉士不待
館選俯然歸田逍遙林下者四十年築橋西花墅藝菊數百本多異種以秘
法培植之皆非人間所常見者唯余得其精奧是以南園之菊亦著於時每
值花時吟嘯不出嘗於瘦西湖上得治春社舊址結治春後社招吉住岑馬
伯梁陳維之蕭味之陳孝起陳心來宣古愚童補蘿孫犢山江石谿讌會於
此余亦濫竽其間翁年七十餘豪興不減少時每語人曰詩不必求傳傳亦
非我可必不如卽時行樂詩酒湖山眼前清福更何必計及傳不傳也終日
閉門除同社外絕無往來短褐敝屣湖上行吟花圃園叟傾襟坐談遇顯者
卽避出故舊中有貴官來謁自立門首答曰主人出游請携刺去恕不報謁
人亦不知其爲玉堂人物也其風趣高尙有如此者社中推翁爲社長每夜

醉歸必泛小舟操舟者多丁五六歲女郎解唱社中人詩渡頭月下叩舷而歌細吟之歌翁之詩爲最多至今談風雅者猶津津道其事詩宗白陸猶服膺宋之四靈嘗言人多鄙宋詩今人之詩能及宋人者幾人哉字法漢魏喜用退筆古雅處別具一格著作甚多惜不輕示人故傳於人者亦甚少

六十述懷三首之二

自經弱冠避烽烟夢影模糊四十年
遜蹟枉教在林下舊人誰爲醉花前
消磨歲月殘詩卷點綴園廬種菊田
獨立小樓倚闌望夕陽紅趁晚餘天
阿儂生在清明日屈指清明十日遇
絲柳搖風綿欲脫刀魚入饌刺嫌多
藉安貧境惟閒好想作春游奈嬾何
柱杖不堪尋五嶽平生事事總蹉跎

感賦

百歲光陰一擲梭搔殘短髻且狂歌
無才自覺拋官好後死翻令哭友多
城外花開憐獨往墟邊酒散怕重過
追思昔日皆成幻絮絮何勞春夢婆

殘菊

來往東籬下霜天更雪天我方支冷局爾亦有衰年
特出芽何壯旁生蕊自鮮殷殷幾坡老傲癖解相憐

摘句

漫道春風燒尾事幾逢塵世臥冰人

寒魚

王毓菁字谷蘭號貢南福建閩縣人光緒戊子舉人性耿介拔俗抱奇才異能而世所罕知者屢應祠部試不第改就枝官非其志也詩尙聲調初類盛唐情韻兼美典實赴之近效宋人有后山簡齋意顧於時流少所許可嘗與江陰何震彝長樂梁鴻志桐城吳闈生閩縣林學衡相酬唱著有楞脩室集四卷散文頗類姚惜抱駢體則逼有袁子才其長公子忠豫亦工詩能爲西漢文爲何震彝所稱可謂是父是子矣

苔

幾日春陰闕小庭踏莎人去雨冥冥
天涯芳草斜陽外別是銷魂一種青

出都

獨騎瘦馬出都門撲面塵沙驛路昏三月啼鶉萬楊柳天津橋上望中原

寄臥龍山僧

煙寺微茫送晚鐘上方人倚一枝筇千林頁葉蕭蕭雨秋到龍山第幾峰

送江侍御杏村出都

不及宣南祖道塵望中冠劍似天人九重仍以詞林貴四海皆知御史真
幸免黨援牽蔣趙自成馨逸在甌閩還山但遂循陔樂聖代何嘗有逐臣

摘句 酒溫今夕盞花照去年枝 上元對月

舊燕窺簾仍識主殘花委地竟無名 雨晴

有用文章隨處寫無端歌哭避人狂 上寄載

袁霖慶號琅軒江蘇江甯人幼嗜學猶好吟詠年十五隨其尊人宦遊河南
所學益進梁園夙號名士蒼萃地鄒枚遺韻到今猶存君總角馳逐其間詩

名甚盛登吹臺尋良嶽緬懷古昔撥觸無端為詩益富已而入豫河旅學堂
肄業治西學積疇人術高出儕輩顧算徑非其所好課餘之暇常與江右王
筱香汪笠雲相唱和會旅學以辦理非人學務日弛君慨然曰非我求學地
也因謀他適人稱東西洋庠校之盛心焉嚮往曾效溫李體作蓬萊曲以寄
意詩宗晚唐為人坦率有度與之交終歲不見其有戚容尤難能可貴云

梅妃

一斛明珠萬斛愁君王恩重妾難酬太真一入深宮裏從此長門夜夜秋

咏史

漁陽戰鼓震潼關被底鴛鴦戀玉環天子不渝牛女誓馬嵬坡卽是驪山
長江飛渡石城秋虎踞龍盤王氣收為問景陽宮井裡可能天子尙無愁
李培蘊字在田號綠陰亭長家居黃歇浦南岸上海庠生十戰棘闈屬薦未
售為人言必信行必果忠厚儉樸為是鄉矜式在滬司學事八年門下成儔

器老亦大人年來退守故鄉以詩娛老所善隴西學吟集三卷忠君愛國之意形於言外李梯雲明經最欣賞之弁以序刊行于世茲年七十四童顏白髮手不釋卷其老境竟不自覺也

閨怨

鳳泊鸞飄獨自憐漫言雨露總無偏琵琶馬首新承寵團扇風前早棄捐薄命那堪人漸老痴心猶望月重團長門別有青青草幾度銷魂欲化煙

摘句 寒雨客歸江上棹暮煙鴉宿水邊樓送秋

李猶龍江蘇南匯人李忠節公裔孫字棹雲別號樓雲主少負才名廣交豪俊遊學滬上十餘年工詩善書法兼能繪事其新學各科無不苦心而得猶善著小說嬉笑怒罵不露芒角深得風人之遺著有樓雲詩稿

望遠曲

去年東風吹柳絮海棠花下送君去今年花開如舊時不知蓬梗飄何處花

開花落自年年雁去雁來遼海邊欲書一札託雁足翹首碧落愁秋煙

楊錫章字至文自號了公華亭奇士也自言有四病曰粗曰陋曰口刻曰好色有兩善讀書尚悟入世尚真而已然了公實不陋其言好色則尙唐突人也爲詩文奮筆立就才思橫溢奇句沓出不窮或乖範圍至有率俗而儕輩卒莫能及精究說文旁通佛典亦嘗講黃老吐納之術爲楊蘇龔先生入室弟子而見解輒高出其師去歲以歲貢生援例爲寶山學訓導識者早知其不終果忤長官落職歸然絕無怨人之意反多自省之心殆成於道矣

偶作四首之三

有緣不能離無緣不能合緣短合不終緣長離不絕無可如何時枝頭墮秋葉月缺有時圓圓祇一望日望日休蹉跎悵悵尋快活不然錯過之百年如一利

古人自古人今人自今人非獨不相及抑且不相論勞勞襲遺脫不如及

身宇宙間萬物篇篇書卷新日新是人事終古是天真各人有各果果果
前因

俯仰天地間無端忽有我我數十春忽然又古古今幸尚未古花間一
露遠近聞清香似有緣一縷一縷光湛然快快爭先睹無端又不見不知在
何處

摘句

滿腹經論鬚雪白一生圓熟頂絳紅詠橘

蠶未吐絲難入化龜如脫壳定能飛偶作

培花心切香終到畫月功虧影不圓同上

過冬自有春將到未望安能月早圓同上

蔣藩字恢吾河南杞縣人先世居睢州叔祖矩亭公以詩畫名世所稱蔣蘭
是也光緒癸卯科舉孝廉以知縣用不就性恬靜因有足疾益復不樂仕進
任河朔中學教員循循善誘為當樂道君子尤耽古籍于書無所不讀精覽

如車輪黃大驚卻走不敢復出城門之軌由他途紆道比至己遲神其主夜
之流亞歟黃之所遇神不必有意為之然以驚而往耀過時則謂神之來為
黃之故阻其行亦無不可夫小民終歲勤動易此升斗之粟而神過其糴其
歲糜廩祿者神其何以為之所耶或者蠅頭之利亦有早遲且有得有不得
者則不能曲為之解矣

獅子

僕人項喜京師人也同治間侍崇地山星使奉使歐西及回京告所知言至
英吉利曾見獅子並聞其吼云獅子大於牽牛黃質黑章繞身竊毛頸毛鬣
鬣然如髮垂甚長頭大如車輪雙眸炯然有類懸燭其聲若迅雷又似無數
銅鐘聞者骨栗在旁之犬羊諸獸皆溺血信乎獅為百獸王矣攷閱微草堂
筆記亦紀西使獅子入貢一日而出潼關事所誌與項僕所言略同按此在
當時誠不易觀今則騶虞奉獻園人有司不啻以麟為畜而獸不獲權中

尾而求食矣真所謂鳥獸之卵胎皆可以俯而窺者歟然而虎兇出柙豺狼當道又無時不在危懼中此狗彘食人食率獸食人子與氏所以引爲深戒也

怪聽講易

邢麓村先生樹榛咸豐戊午孝廉聚徒講學不慕榮利道範巍然鄉稱祭酒一日授徒講易至是故知鬼神之情狀句忽覺身旁有物喘似牛吼諸生大懼師諭之曰勿喘氣驚人汝在此聽講卽吾弟子之列宜執弟子禮大學不云乎定而后能靜汝如此氣浮又焉能聽至精之易理乎言畢而喘聲頓息諸生聞之皆匿笑以爲先生真能知鬼神之情狀也

大鵬羽落

有人自興京來云歲光緒戊午方春興京城外忽若垂天之雲當晝而晦念如鳥逝少焉豁露天高日晶初聞有聲居人皆避匿以覘其變逾時始敢出

視落大羽一寬三丈長六丈有奇色黝黑似烏羽蓋鵬羽也按莊子逍遙游鵬之背不知幾千里也水擊三千里搏扶搖而上者九萬里夫一羽之鍛何損於鵬而向之所以震驚於隴之翼者今且震驚於鵬之羽是真所謂足以舉百鈞而不足以舉一羽者歟書之以見爰居異誌不盡無徵云

雷異

誌異諸書紀雷者不一記雷之震人者亦不一然皆初若可驚可駭而熟察其後或身既被殛而頂背諸體有朱篆繚曲若榜其罪或有人廉知某有何隱慝而揚言於衆否則始爲雷火延燒少刻卽蘇如夜譚隨錄所誌雷誤擊錫人事獨未有無冥符無顯證而猝及於難者光緒二年夏京師安定門雍和宮王喇嘛某拈百八牟尼閒步寺外甫出城闈值天將雨欲返步去寺已遠且未朝餐腹飢不可忍見橋關盡處有售湯餅者急市一盂食畢出囊錢付已尙未移步倏激電若金蛇一道自空直下向伊身一繞雷卽隨至天光

頓晦喇嘛跪橋上叩首未已轟然一聲似火礮死矣觀者如堵喇嘛身軟如綿衣皆焚著背一深洞若被銃擊穿者然究不知此僧觸何天律按紀文達五種筆記論新齊諸雷擊人狐避劫二事曾於雷之刻期而擊及一擊不中即得倖免一再言之然終莫明其故意者此僧合罹此劫或者異類轉輪紅衣番僧工符呪魘魅黃教所斥爲邪術者藏中時有之而京中梵宇如林向不聞某寺有紅教僧打包住錫者存之以廣異聞可耳

貓拜月

甲戌冬友人某間步中庭明月如銀萬籟俱寂翹首見平臺上有貓五六皆高拱前足作下拜狀微聞口鼻呬唔有聲若細哦低唱者友人猝覩斯異方欲觀其拜畢若何寒風逼人覺作噉貓五六皆驚倒相率避跡聞之故老貓拜月三年若無人見可證狐仙不知確否友人云惜以後不再見之竟無以驗斯言之果否夜怪錄載苗介立隨園載夜星子爲老姨所化其所乘之

百二秦關入望低誰能畫地守河西洛陽花草江南酒懶臥龍沙食駃騠自家李元昊便是世居靈夏功建唐朝曾授爲定難節度使到得宋家受禪賜姓封于地廣財饒兵雄馬健正待要觀釁而動(笑介)爭奈宋朝無人差了那韓琦范仲淹做兩個招討官兒韓琦到也罷了只可笑范仲淹那個迂儒本事全無誇張武甚道我差人親愛他呼他爲龍圖老子又倡作謠言說道軍中有一范西夏聞之驚破胆呵呵咱這膽兒可是你驚得破的麼不免點些人馬殺入陝西地方二將何在(末副淨見介)(淨)孤要與師伐宋二卿意下何如(末副淨)宋國兵疲餉竭邊將皆是書生大王神武長驅取關中如反掌耳(淨)該從那路進兵(末副淨)先取渭州延繼圖環慶淨這等就着各帶人馬一枝向延州一枝向渭州孤家從後策應叫他把都們分開隊伍隨二卿操演一番(末副淨)各執令旗率衆操演(淨)立高處望(內吹號筒播鼓介)

(石榴花)(淨)則聽的角聲一動鼓聲颺好一似霹靂掩風沙一個個刀橫秋水

槍點梨花陣開魚鶴旗閃龍蛇似這等猛貔貅似這等猛貔貅隊隊兒擁着
將軍馬遇將先擒逢城立下假饒伊鐵桶江山假饒伊鐵桶江山有甚麼難
攻難打看頭顱多斬如麻

(衆作演畢東西分立介)(淨)二將聽俺吩咐

(上小樓犯)那宋朝呵小梁州國勢宸腐迂生將略差憑着你鼻息兒吹脚尖
兒踹手掌兒拿替俺去搶了邊城奪了長安得了天下纔顯的英雄非假

(前腔)(末副淨且舞且唱介)觀中原幾道斜強兵十倍加好一似烈火銷冰
疾風捲葉鷲鳥擒鴉俺少不得並挽鵬弓雙驅鐵騎對披金甲纔博的麒麟
同畫

(淨)吩咐衆軍點齊人馬就此起營(衆應介)(行介)

(煞尾)(花馬池)戰鼓俺自擲受降城謝表他畫押宴功臣則讓你兩元勳
風流煞你看俺奪取中原如戲耍(齊下)

第七齣 觸熱

品南(生查子)(小生三髯便服末隨上)簪筆坐南臺回首都如夢半畝草堂成
期與幽人共

抗疏批鱗事已虛蒙恩猶許返田廬還愁廊廟需舟楫一葉難容坐釣魚下官唐介
是也曾官御史屢觸奸邪賴蒙主上寬仁幸得放歸田里魏闕之心雖在林泉之樂
有餘近日聞得西夏蠢動朝議乖張下官一來憂我國無人二來又怕替庸醫受過
老天老天只求你把這退閒掌讓開過半世罷了今日無事已着人去邀江雲仲
一談想必就到 向末介)你須索門外伺候(末應介)(生巾服上)朱門不爲彈冠
至綠野知因候客開早間唐子方有字相招迤邐行來此間已是(末)江相公來了
待小人通稟(傳介)(小生迎進見介)良朋契闊一日三秋小弟懷思得緊了

(太師垂繡帶)(生)笑寒儒所事多貧冗好些時名單未通(小生)想是那些
筆札應酬的緣故(生)雖則是毛錐欲秃也無奈塵硯難封(小生笑介)喜事有
消息麼(生)從容梅花紙帳猶自擁只贏得南柯入夢(小生)雲仲年方英妙象

頁才高自然是不愁富貴的(生)誰噓送雲霄九重(拱手介)承望你別開青眼
向途窮

晚生多時未來這退閒堂一發結構得好

(前腔)(小生)慚愧無材營廈棟許投林鷓枝可容(指壁上介)全虧雲仲這六
記爲草堂生色(生)有污牆壁(小生)抵多少梁間綵繪試看這壁上文雄(生)
老先生名高望重只怕是閒不久的(小生)搖手介(龍鍾廟堂自有夔龍捧要我
這閒人何用况如今時事更是難處多驚恐邊城塞鋒病膏肓愁他和扁也難
攻

(雜持轎上)天上恩綸至堂中喜氣多稟老齋朝報高陞(小生)念介(吏部)一本奉
爲缺官事奉聖旨唐介清直素著才品優長著以參政起用又兵部一本奉聖旨元
昊猖獗種世衡練達軍機可陞安撫使經略陝西等處(小生)沈吟介(生)揖介(恭
喜了(小生)微笑介)有其慶喜是雲仲方纔說閒不久的緣故(生)請教起用何官
小生)濫忝參知政事(生)這等是大拜了後面陞安撫使的是那一位